

Бир бор экан, бир йўқ экан, кадим замонда бир шахарда бир чол билан кампир бор экан. Уларнинг Маматбой деган битта-ю битта ўгли бор экан.

Кампирнинг ота мерос бир ховлиси бор экан. Чол-кампир бу ховлини уч юз тиллага сотишибди ва маслахатлашиб ўглини савдо ишига ўргатмокчи бўлишибди.

Чол ўглини чакириб:

— Болам, биз энди кариб, куч-куватдан колдик. Сен мана бу юз тиллани олиб, савдогарчилик килгин, — дебди.

Бола юз тиллани белига тугиб, йўрга эшакни миниб: «Хайё-хай», деб сафарга жўнабди. Юриб-юриб бир шахарга етиби. Караса, бозорга якин бир жойда одамлар тўпланишиб турган эмиш, тўда якинига бориб одамларнинг биридан: «Нима гап?» деб сўраса, у одам:

— Бу ер илм берадиган жой. Кимки юз тилла тўласа, бир йил ичидан илм ўрганиб чикади, — дебди.

Бизнинг Маматбой хам илм ўрганишни хавас килиб юрар экан. Бу гапни эшитгач: «Савдо ишидан нима фойда, ёшлиқда илм ўрганиб олиш керак» деб, юз тиллани тўлабди. Хавас билан астойдил ўкий бошлабди. Орадан бир йил хам ўтиби. Маматбой, зехни баландлик килиб, домласидан хам ўзиб кетиби.

Энди уйига кайтмокчи бўлишибди. Аммо хеч нарсаси колмаган, кўйингчи, эшагини хам сотиб юборган экан. Нима килишини билмай хайрон бўлиб турганида, домланинг раҳми келиб унга бир эшак бериби. Бир ярим ой деганда Маматбой уйига келиби. Кўпдан бери кутиб ўтирган ота-онаси ўглини кўриб жуда кувонишибди. Хол-ахвол сўрагандан кейин, кампир:

— Болам, юкинг оркада келяптими? — деб сўрабди. Бола индамабди. Бир фурсат ётиб, дамини олгандан кейин ота-онасига:

— Хафа бўлмасангизлар бир гап айтаман, — дебди. Улар-. — Майли, айт, болам, — дейишибди.

Шунда бола ўз бошидан кечирган хамма ходисаларни айтиб бериби. Чол-кампир бир оз ранжиби.

Орадан бир хафта ўтиби. Улар ўзларича маслахатни, бир жойга кўйиб, болага яна юз тилла берибдилар. Аммо бошка нарсага сарф килмагин, деб тайинлаб уни савдога жўнатибдилар. Бола чўл-биёбонлар, тог-тошлар ошиб, ахири бир шахарга етиби.

Караса, бир жойда одамлар тўпланишиб турган эмиш. Бола суриштириби. Улардан бири: «Бу ер чолгу ўргатадиган жой, кимки юз тилла тўласа, бир йилда ажойиб созанда бўлиб чикади», дебди.

Бола ўйлаб туриб: «Ота-онам уришса уришар; илм ўргандим, энди буни хам ўрганиб кўяй», деб юз тилла тўлаб мактабга кириби. Орадан бир йил ўтиби. Боланинг зехни ўткир экан, сал фурсатда устозидан хам ўзиб кетиби.

Устози боланинг жуда укувли бўлгани, аммо кетишга хеч пимаси колмаганидан бир той билан йўлга керакли озик-овкат бериб, уни жўнатиби. Бола уч хафта деганда уйига етиб келиби. Бир йилдан бери кўз тутиб, зорикиб ўтирган ота-она ўглини кўриб жуда севинишибди. Кампир боласидан хол-ахвол сўраб бўлиб:

— Болам, юкинг кейинда келяптими? — деб сўрабди. Бола нафасини ростлаб олгандан кейин, воеани айтиб бсриви. Буни эшитган чол билан кампир хафа бўлишибди, болани каттик койишибди.

Ўн кундан кейин чол билан кампир иккиси маслахат килишибди. Отаси ўглини чакириб:

— Болам, бисотимиизда атиги уч юз тилла бор эди, икки юз тиллани сарф килиб келдинг, энди бор-йүги юз тиллагина пулимиз колди, шуни эхтиёт килиб, хар нарсага сарф килмасдан, арzon моллардан олиб кел, жон болам! — деб яна савдога жүнатиби. Бола ота-онаси билан хайрлашиб, номаълум шахарга жүнаб кетиби. Юра-юра бир жойга етиби. Тойи хуркиб кетиб, одамлар түпланиб турган жойга бориб түхтабди. Бола одамлардан: «Нега түпланиб турибсизлар?» деб сўраса, улардан бири: «Бу ерда шахмат ўинини ўргатилади. Кимки юз тилла тўласа, шахмат ўрганади», дебди. Маматбой ўйлаб туриб: «Юз тилла бериб илм ўргандим, юз тилла бериб чолгувчи бўлдим, энди яна юз тилладан кочиб буни ўрганмай колайми? Кел, таваккал, буни хам ўрганиб олай», деб аҳд килиби ва кўлидаги юз тиллани тўлаб, шахмат ўйнашга киришиби. Бир йилда шахмат ўйинини жуда яхши ўрганиб, кейин юртига кайтиби. Кўп йўл юриб, уйига етиби. Ота-онаси боласяни согиниб кўз тутиб ўтирган экан, у билан кўришиб бўлиб:

— Болам, юкинг кани, оркада келяптими? — деб эшикка чикиб караса, яна хеч нима йўқ эмиш. Яна хайрон бўлишибди. Бола бу сафар шахмат ўйинини ўрганганини айтиб бериби.

Чол билан кампир илгариgidан хам баттаррок хафа бўлишибди. Ночорликдан Маматни бир бойга хизматкор килиб беришибди. Маматбой жудаям сергайрат, чаккон бола экан, уч кун ўтмасданок, бойнинг хизматкорлари орасида танилиб колиби. Бой хам унинг чаккон, ишбилармонлигига койил колиби.

Кунлардан бир куни бой узок бир шахардан бир неча минг йилки ва кўйларни олиб келаётган экан, дашт-биёбонларда бир канча кўп юришгандан кейин йилки-кўйлари чўллаб колиби. Кидириб-кидириб бир кудук топишибди. Кудук жуда эски экан. Бой «Ким тушади?» деб сўраса, хизматкорлари чурк этмабди. Ахири Маматбой: «Бу ишни мен бажараман», деб белига аркон bogлаб, кудукка туша бошлабди. Кудук жуда чукур экан, тушиб кетавериби. Ахири оёги кудук тагига тегиби. Караса, кудук таги кенг, хамма ер коронги, зулмат, куп-курук, сув деган нарса йўқ эмиш. Белидан арконни ечиб, нарирокка бориб караса, битта хум турганмиш ва ундан хадеб тилла кайнаб чикаётган эмиш. Бола олиб тушган челагини дархол тиллага тўлатиб юкорига узатиби. Бўшаган челак кайтиб тушибди. Шундай килиб хумдаги тиллани тамом килиби, кейин арконга чирмашиб юкори чика бошлабди. Шу топда бой: «Болани хозир тортиб олсан, у хойнахой тилланинг камида ярмига шерик бўлади. Ундан кўра, бола шу кудукда ўлиб кетгани яхши», деб арконни шартта киркиб юбориби. Бой хамма тиллани олиб, йўлга равона бўлиби. Энди гапни боладан эшитинг:

Маматбой кўзини очса, ўзини кудукда кўриби. «Аттанг, бой яхшиликка ёмонлик килди. Ажалим шу ерда экан-да», деб жуда хафа бўлиб ичкарирокка юриби. Атрофига назар солса, бир ёқда бир эшик кўриниби, эшикдан кириб караса, ичкариси жуда яхши безатилган бир уй эмиш. Бу уй бир девники экан, унда ўша дев ётган экан. Уйнинг шипида бир канча чолгу асблари осиглик эмиш. Йигит девордан бир гижжакни олиб чала бошлабди. Дев етти йилдан буён касал бўлиб, хушсиз ётган экан, гижжак товушини эшитиб, ўзига келиби. Етти кун деганда тузалиб туриби ва:

— Э бола, сен кимсан? Менга кўп яхшилик килдинг. Тила тилагингни! — дебди. Бола кўркиб кетиб, дархол девга салом бериби. Дев алик олиб, унинг бу ерга кандай келганини сўрабди. Бола девга бошидан кечирганларини айтиб бериби. Болага девнинг рахми келиб:

— Сен мени ўлимдан олиб колдинг, — дебди. Бола олдин девнинг тилласини кудукдан чикариб юборганини ва шу сабабли гунохини кечиришини сўрабди. Дев унинг гунохини

кечирибди. Сүнгра Маматбой:

— Мени ёрг дунёга олиб чикиб кўйсанг бас, — дебди. Дев уни елкасига миндириб, бир зумда очик хавога чикариб кўйибди- Маматбой дев билан хайрлашиб, йўлга равона бўлибди.

Маматбой тез-тез юриб бойга етиб олибди ва билмас киши бўлиб, яна илгаригидек бойнинг хизматини килаверибди. Буни кўрган бойнинг эси чикиб кетибди. У хам кўрккандан ноилож ўзини билмасликка солиб юраверибди-ю, болани йўқ килиш пайига тушибди.

Бой хотинига куйидагича хат ёзибди:

«Мендан сизларга кўпдан-кўп салом. Якинда бориб коламан. Жон хотин, мен боргунча шу хатни олиб борган болани ўлдириб юбор. Сабабини борганимда айтаман».

Хатни тахлаб, муҳрини босиб: «Энди буни ким уйга етказади?» деса, хеч ким индамабди, чунки бой олдинрок бошка хизматкорлари билан тил бириктириб кўйган экан.

Хатни охири Маматбой олиб кетибди. Юра-юра бир ерга етганида ўйлабди: «Э, мен канча овора бўлиб илм ўрганган эдим, бунинг дуойи саломини бир ўкиб кўрмайманми?» деб хатни очиб караса, гап халигидай.

Хатни дарров йиртиб ташлабди-да, ўрнига куйидаги хатни ёзибди:

«Рафикам Гилмоннисога.

Дуойи саломдан сўнг андог маълум ва равшан бўлсинким, мен бу ўлкада эсон-омон юрибман. Насибам бўлса, якинда бориб коламан. Ушбу юборган хизматкор бола Маматбой жуда эпчил экан, барака топсин, мен буюрган энг мухим ишларни якка ўзи мухайё килди. Давлатимизнинг ортишига сабабчи бўлди. Маматбойни яхшилаб кутиб ол, дархол катта кизимизни шунга тўй килиб бер, токи мен борганимда куёв бўлиб кутиб олсин».

Маматбой хатни ўхшатиб ёзибди ва хат охирига бой номидан имзо чекибди. Маматбой бир хафтада етиб келиб, хатни бойнинг хотинига берибди. Хотин хатни ўкиб: «Ўзлари айтибдилар, тўй килмаса бўлмас экан», деб эртасига ёк тўй-томуша килиб, катта кизини Маматбойга берибди. Бир неча кун деганда, бой хам етиб келибди. Эшиқдан уни кизи билан куёви яхшилаб кутиб олишибди. Бойнинг жони хикилдогига келибди-ю, аммо сир бой бермапти, ўзини зўрга тутиб юрибди. Йигит хам билмас киши бўлиб, кайнатасининг хурматини бажо келтириб юраверибди. Орадан бир неча кун ўтгандан кейин бой хотинини чакириб:

— Сен нима иш килиб кўйдинг? — деб уни койибди. Хотини:

— Ўзингиз айтибсиз-ку! — деб хатни кўрсатган экан, бой:

— Бу мен ёзган хат эмас, оббо кургур-эй, мендан хам уста экан, — деб койил колибди. Лекин Маматбойни йўқ килишни кеча-ю кундуз ўйлаб юраверибди.

Кунларнинг бирида йигитнинг эсига ота-онаси тушиб: «Хотиним билан бир бориб келай», деб бойдан ижозат сўрабди. Юриб-юриб бир катта шахарга келибдилар.

Маматбой ўша шахар подшосининг саройи ёнидан ўта туриб, дарвозага кўзи тушибди, дарвоза тепасига осилган бир неча одамни кўрибди. Суриштирса, подшонинг бир гўзал кизи бор экан. У шахматга жуда уста экан. «Кимки ўйинда мени ютиб чикса, ўшанга тегаман», деб шарт кўйган экан. Халигилар шахмат ўйинида ютказган кишиларнинг таналари экан.

Маматбой ўйлаб туриб: «Икки хунарим мени икки марта ўлимдан олиб колди, учинчиси хам бекор кетмас. Кел, таваккал, шу ўйинни хам ўйнаб кўрай», деб, шох кизи ёнига

борибди. Киз уни менсимагандек бўлиб кабул килибди.

Ўйин бошланибди. Киз хам, йигит хам бир-биридан сира колишмабди. Уч кун деганда киз ютказибди. Киз билан отаси Маматбойнинг шахматга усталигига койил колишибди. Подшо йигитга кизини бермокчи бўлган экан, йигит унамабди. Ота-онасини шахарга олдириб келиб, камбагал, бева-бечора, етим-есирларга мурувват килиб турибди.

Маматбойнинг кайнатаси кунлардан бир кун Маматбойга арзга келибди. Лекин куёвини танимабди. Куёв кайнатасининг арзини обдан эшитиб бўлиб, кейин бойнинг бутун килган ишларини ўзига айтиб берибди. Бой жуда ёмон ахволга тушиб, йигитнинг оёгига йикилиб, ўз килмишларига тавба килибди.

Шундай килиб Маматбой мурод-максадига етибди.